



Broj: 02/1-30-898/25
Ilijaš, 23. 04. 2025. godine

Na osnovu člana 34. Zakona o radu Federacije Bosne i Hercegovine („Službene novine Federacije Bosne i Hercegovine“, br. 26/16, 89/18, 23/20, 49/21, 103/21, 44/22 i 39/24), Pravilnika o jedinstvenim kriterijima i postupku izbora volontera VII stepena stručne spreme u Općini Ilijaš, broj: 01/2-34-1727/18 od 24.07.2018. godine, Općinski načelnik objavljuje:

JAVNI POZIV
za prijem volontera po osnovu Ugovora o stručnom osposobljavanju
bez zasnivanja radnog odnosa u Općini Ilijaš

I – Predmet Javnog poziva

Radi stručnog osposobljavanja za samostalan rad, Općina Ilijaš objavljuje javni poziv za prijem devet (9) volontera sa završenom visokom stručnom spremom bez zasnivanja radnog odnosa u trajanju od 12 mjeseci, kako slijedi:

- volonteri sa završenom visokom stručnom spremom (VII stepen) ili završen prvi ciklus školovanja dodiplomskog studija koji je vrednovan sa 180 ili 240 ECTS bodova, drugi ciklus školovanja koji je vrednovan sa 240 ili 300 ECTS bodova i treći ciklus studija – fakultet društvenog smjera, tehničkog smjera i biotehničkih nauka (Pravni fakultet, Fakultet za javnu upravu, Ekonomski fakultet, Fakultet političkih nauka, Arhitektonski fakultet, Elektrotehnički fakultet-smjer IT, Fakultet za saobraćaj i komunikacije, Građevinski fakultet, Geodetski fakultet, Fakultet informacijskih tehnologija, Poljoprivredno-prehrambeni fakultet i fakulteti sa odsjekom/smjer zaštita okoliša-Šumarski fakultet, Prirodno-matematički fakultet i dr.).
- Kandidati moraju biti prijavljeni na evidenciji JU Službe za zapošljavanje nakon sticanja diplome VII stepena stručne spreme.

II - Opis poslova

Volonteri će u Općini Ilijaš obavljati poslove u cilju osposobljavanja za samostalan rad u okviru svoje struke i sticanja radnog iskustva potrebnog za polaganje stručnog upravnog, odnosno javnog ispita.

III - Trajanje ugovora

Ugovor o stručnom osposobljavanju bez zasnivanja radnog odnosa, zaključuje se na određeno vrijeme u trajanju do jedne godine.

IV - Opći i posebni uslovi:

Kandidat koji se prijavljuje na Javni poziv mora ispunjavati sljedeće opće uslove propisane Zakonom o radu:

- da ima navršenih 18 godina života,
- da je državljanin Bosne i Hercegovine,
- da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s namjerom u skladu s krivičnim zakonima u Bosni i Hercegovini,
- da nije obuhvaćen odredbom člana IX. stav 1. Ustava Bosne i Hercegovine.

Pored općih uslova kandidat koji se prijavljuje na Javni poziv mora ispunjavati sljedeće posebne uslove:

- završena visoka stručna sprema (VII stepen) ili završen prvi ciklus školovanja dodiplomskog studija koji je vrednovan sa 180 ili 240 ECTS bodova, drugi ciklus školovanja koji je vrednovan sa 240 ili 300 ECTS bodova i treći ciklus studija – fakultet društvenog smjera, tehničkog smjera i biotehničkih nauka (Pravni fakultet, Fakultet za javnu upravu, Ekonomski fakultet, Fakultet političkih nauka, Arhitektonski fakultet, Elektrotehnički fakultet-smjer IT, Fakultet za saobraćaj i komunikacije, Građevinski fakultet, Geodetski fakultet, Fakultet informacijskih tehnologija, Poljoprivredno-prehrambeni fakultet i fakulteti sa odsjekom/smjer zaštita okoliša-Šumarski fakultet, Prirodno-matematički fakultet i dr).
- da nema ostvaren radni staž ili radno iskustvo nakon sticanja visoke stručne spreme i
- da je privaljen na evidenciji za zapošljavanje kod JU Službe za zapošljavanje nakon sticanja visoke stručne spreme.

V – Potrebna dokumentacija:

Kandidati su dužni uz prijavu, koju su svojeručno potpisali s kratkom biografijom dostaviti i sljedeću dokumentaciju:

- Diploma ili potvrda izdata od visokoškolske ustanove o diplomiranju (potvrda ne može biti starija od jedne godine odnosno od roka potrebnog za izdavanje diplome), a u slučaju da fakultet nije završen u Bosni i Hercegovini, strana diploma mora biti nostrificirana (dokaz o nostrifikaciji);
- Potvrda/Uvjerenje fakulteta o ostvarenom prosjeku ocjena tokom studija;
- Uvjerenje JU Službe za zapošljavanje o dužini trajanja nezaposlenosti nakon sticanja diplome visoke stručne spreme;
- Ukoliko je kandidat osoba sa invaliditetom - pravosnažno Rješenje nadležnog organa o utvrđenom stepenu invaliditeta;
- Ukoliko je kandidat dijete bez jednog ili oba roditelja - Izvod iz Matične knjige umrlih za roditelja/e;
- Rodni list;
- Uvjerenje o državljanstvu, (ne starije od šest mjeseci);
- izjava da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da nije izrečena zatvorska kazna za krivično djelo učinjeno s namjerom u skladu s krivičnim zakonima u Bosni i Hercegovini ovjerena kod nadležnog općinskog organa;
- izjava da nije obuhvaćen odredbom člana IX. stav 1. Ustava Bosne i Hercegovine (data pod materijalnom i krivičnom odgovornošću), ovjerena kod nadležnog općinskog organa.

Sva tražena dokumentacija dostavlja se u originalu ili ovjerenoj fotokopiji.

VI – Objavljivanje Javnog oglasa

Javni oglas će se objaviti na oglasnoj ploči Općine Ilijaš, na web stranici Općine Ilijaš, Facebook i Instagram stranici Općine Ilijaš i ostaje otvoren do popune planiranih mjesta.

VII – Razmatranje prijave

Zaprimljene prijave sukcesivno će razmatrati posebno formirana Komisija, nakon čega će Komisija sa kandidatima koji ispunjavaju uslove obaviti intervju.

Ukoliko kandidat zadovoljava opće i posebne uslove Komisija će predložiti Općinskom načelniku pojedinačan izbor volontera i tako sve do popune ukupnog broja planiranih pozicija (devet).

Odluku o izboru volontera donosi Općinski načelnik na osnovu kriterija utvrđenih Pravilnikom.

Kandidati koji ne ispunjavaju uslove poziva, odnosno koji smatraju da postupak odabira nije izvršen u skladu sa kriterijima iz Pravilnika, mogu u roku od 8 dana od dana oglašavanja bodovne liste na oglasnoj ploči, Web, Fb. i Instg. stranici Općine Ilijaš, izjaviti prigovor Općinskom načelniku koji donosi konačnu odluku.

Sa izabranim kandidatima, zaključit će se ugovor o radu bez zasnivanja radnog odnosa.

VIII – Prijava na Javni oglas

Traženu dokumentaciju potrebno je dostaviti lično ili poštom preporučeno na adresu:
**Općina Ilijaš, ul. 126. ilijaške brigade, br. 16, 71380 Ilijaš, s naznakom:
„Javni oglas za prijem volontera“ – ne otvarati.**

Gramatička terminologija u ovom Javnom pozivu podrazumijeva uključivanje oba spola. Lični podaci o kandidatima su tajni i isti će se prikupljati i obrađivati u skladu sa Zakonom o zaštiti ličnih podataka ("Službeni glasnik Bosne i Hercegovine", broj 49/06,76/11 i 89/11).

Dostaviti:

1 x Oglasna ploča

1 x web, Fb. i Instg. stranica Općine Ilijaš

1 x a/a



OPĆINSKI NAČELNIK

Amar Dovadžija